ЎЗБЕКИСТОН РЕСПУБЛИКАСИ НОМИДАН ХАЛ КИЛУВ КАРОРИ

Касби тумани

2024 йил 29 октябрь

Касби туманлараро иктисодий судининг судьяси Ғ.Игамов раислигида, судья ёрдамчиси М.Муҳаммадиевнинг котиблигида, Миришкор туман фермер, деҳқон ҳўжаликлари ва томорқа ер эгалари Кенгаши даъвогар "ҚУРБОНШО" фермер ҳўжалиги манфаатини кўзлаб, жавобгар "LITAI TEXTILE OVERSEAS" МЧЖ шаклидаги ҳорижий корҳонаси ҳисобидан 2021, 2022 ва 2023 йиллар учун берилмаган авансга нисбатан ҳисобланган 399 240 120 сўм пеня ундириш тўғрисидаги даъво аризаси бўйича иктисодий ишни жавобгар вакиллари А.Абдираҳмонов, А.Сатторов, М.Хусанов (ишончнома асосида)лар иштирокида, Касби туманлараро иктисодий суди биносида, очик суд мажлисида кўриб чиқиб, қуйидагиларни

аниклади:

Миришкор туман фермер, деҳқон ҳўжаликлари ва томорқа ер эгалари кенгаши (бундан кейин матнда кенгаш деб юритилади) даъвогар "ҚУРБОНШО" фермер ҳўжалиги (бундан кейин матнда даъвогар деб юритилади) манфаатини кўзлаб, судга даъво аризаси билан мурожаат қилиб, жавобгар "LITAI TEXTILE OVERSEAS" МЧЖ шаклидаги хорижий корхонаси (бундан кейин матнда жавобгар деб юритилади) ҳисобидан 2021, 2022 ва 2023 йиллар учун берилмаган авансга нисбатан ҳисобланган 399 240 120 сўм пеня ундиришни сўраган.

Суд мажлисида иштирок этган жавобгар вакиллари даъвогарнинг берилмаган аванс маблағлари учун хисобланган пеня сумасиини рад қилишни сўрашди.

Кенгаш ва даъвогар вакиллари суд мажлисида иштирок этмади. Вахоланки, суд мажлислари тарафларнинг илтимоси бўйича бир неча маротаба колдирилди, 2024 йил 16 октябрда Кенгаш вакили судга ариза билан мурожаат килиб, соғлиги ёмонлашганлигини, хозирда даволанаётганлиги туфайли ишни кўриб чикишни яна кейинга колдиришни сўради. Суднинг 2024 йил 18 октябрь ажрими билан ишни кўриб чикиш 2024 йил 29 октябрга колдирилди. Лекин бугунги суд мажлисида хам Кенгаш вакили иштирок этмади, касаллигини тасдикловчи далилларни судга такдим этмади.

Ўзбекистон Республикаси Иқтисодий процессуал кодекси (бундан буён матнда ИПК деб юритилади) нинг 42 - моддасига кўра ишда иштирок этувчи шахслар ушбу кодексда назарда тутилган процессуал мажбуриятларга эга ва улар ўзларига тегишли барча процессуал хукуклардан инсофли равишда фойдаланиш керак.

Суд, ишни кўриб чикишда процессуал муддат бузилаётганлигини, тарафларнинг илтимоси бўйича иш бир неча маротаба колдирилганлигини эътиборга олиб, бундан кейин ишни кўриб чикишни кейинга колдириш максадга мувофик эмас деб хисоблаб, ИПК 42, 128, 170 - моддалари асосида ишни Кенгаш ва даъвогар вакиллари иштирокисиз ишда мавжуд хужжатлар асосида кўриб чикишни лозим деб топди.

Суд ишда иштирок этувчи шахслар вакилларининг тушунтиришларини эшитиб, иш хужжатлари ўрганиб чиқиб, тўпланган далилларга хукукий бахо бериб, куйидагиларга асосан даъво талабларини кисман каноатлантиришни лозим топади.

Ўзбекистон Республикаси Фуқаролик кодекси (бундан кейин матнда ФК деб юритилади)нинг 234-моддасига биноан мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқади.

ФКнинг 236-моддасида мажбурият мажбурият шартларига мувофик, мажбуриятлар мажбурият шартларига ва конунчилик талабларига мувофик, бундай шартлар ва талаблар бўлмаганида эса — иш муомаласи одатларига ёки одатда кўйиладиган бошка талабларга мувофик лозим даражада бажарилиши керак, 237-моддасида мажбуриятни бажаришдан бир томонлама бош тортиш ва шартнома шартларини бир томонлама ўзгартиришга йўл кўйилмайди.

Ушбу Кодекснинг 465-моддаси, биринчи қисмига кўра контрактация шартномасига мувофик қишлоқ хўжалиги махсулотини етиштирувчи қишлоқ хўжалиги махсулотини кайта ишлаш ёки сотиш учун бундай махсулотни харид қиладиган шахсга — тайёрловчига шартлашилган муддатда топшириш (топшириб туриш) мажбуриятини олади, тайёрловчи эса бу махсулотни қабул қилиш (қабул қилиб туриш), унинг ҳақини шартлашилган муддатда муайян баҳода тўлаш (тўлаб туриш) мажбуриятини олади.

Иш хужжатларидан аниқланишича, даъвогар ва жавобгар ўртасида 05.04.2021 йилда пахта хом-ашёси ва уруғлик пахта харид қилиш бўйича контрактация шартномаси тузилган.

Шартноманинг 1.1-бандига кўра, "Хўжалик" - "ҚУРБОНШО" фермер хўжалиги 2021 йилнинг бизнес-режасига асосан "Бухоро-6" навли пахта хомашёсини "Харидор" "LITAI TEXTILE OVERSEAS" МЧЖ шаклидаги хорижий корхонасига етказиб бериш, "Харидор" эса ушбу махсулотни келишилган муддатларда қабул қилиб олиш ва муайян нарх бўйича ҳақини тўлаш мажбуриятини олган.

Даъво аризада даъвогар 2021-2023 йиллар учун берилмаган авансга нисбатан хисобланган 399 240 120 сўм пеня ундиришни сўраган.

Тарафлар ўртасида 2021 ва 2023 йилда тузилган пахта хом-ашёси ва бўйича контрактация қилиш пахта харид шартномаларнинг 4.2-бандида, Харидор Хўжаликка махсулот қийматининг камида 60 фоизи маблағларини бериши, микдорида бўнак (аванс) ойма-ой тўлаб Харидор Хўжаликка шартномаларнинг 2.4-банди, а)-кичик бандида, махсулотлар етиштириш муддатларига Хўжалик томонидан берилган буюртманомада кўрсатилган муддатда ва микдорда етказиб бериш мажбуриятини ўз зиммасига олганлиги; 3.4-бандида уруғлик ва экиш материаллари ушбу шартноманинг 2.4-бандида кўрсатилган муддат ва микдорларда ёки шартнома асосида берилган буюртманомада кўрсатилган муддатлар ва микдорларда, мазкур шартномада кўрсатилган давр мобайнида амалга оширилиши, буюртма уруғликнинг тегишли туркумларини етказиб беришнинг мўлжалланаётган санасидан камида 5 кун олдин вакил орқали, почта орқали ёки бошқача тарзда берилиши, буюртномани вакил орқали қабул қилишда Харидорнинг ходими Хўжаликда қоладиган нусхага санани кўрсатган холда у қабул қилинганлиги тўгрисида белги қўяди деб кўрсатилган.

ИПКнинг 74-моддасига мувофик суд далилларга ишнинг барча холатларини жамлаб, уларни суд мажлисида конунга амал килган холда хар томонлама, тўлик ва холис кўриб чикишга асосланган ўз ички ишончи бўйича бахо беради. Хар бир далил ишга алокадорлиги, макбуллиги ва ишончлилиги нуктаи назаридан, далилларнинг йигиндиси эса, етарлилиги нуктаи назаридан бахоланиши лозим. Агар текшириш натижасида далилнинг хакикатга тўгри келиши аникланса, у ишончли деб тан олинади.

ИПКнинг 68-моддасига кўра ишда иштирок этувчи ҳар бир шахс ўз талаблари ва эътирозларига асос қилиб келтираётган ҳолатларни исботлаши керак.

Шу сабабли суд даъвогарнинг берилмаган авансга нисбатан хисобланган 399 240 120 сўм пеня ундириш талабини рад килишни лозим деб хисоблайди.

ИПКнинг 118-моддаси, биринчи қисмига асосан суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Ўзбекистон Республикаси Президентининг 2017 йил 10 октябрдаги "Фермер, деҳқон ҳўжаликлари ва томорқа ер эгалари фаолиятини янада ривожлантириш бўйича ташкилий чора-тадбирлар тўғрисида"ги ПҚ-3318-сонли қарорининг 3-бандида фермер, деҳқон ҳўжаликлари ва томорқа ер эгалари манфаатларини кўзлаб судга давлат божи тўламасдан даъво аризалари, давлат ва ҳўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шаҳслари ҳаттиҳаракатлари (ҳаракатсизлиги) устидан шикоятлар такдим этиш. Бунда даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон ҳўжаликлари ва томорқа ер эгаларидан давлат божи ундирилмайди деб кўрсатилган.

Юқорида баён этилганлардан келиб чиқиб, суд даъво талабини қаноатлантиришни рад этишни, олдиндан тўланган 34 000 сўм почта харажати даъвогар зиммасида қолишини, рад этилган даъво талаби бўйича даъвогар давлат божи тўлашдан озод этилганлигини инобатга олишни лозим деб хисоблайди.

Бинобарин, Ўзбекистон Республикаси Иқтисодий процессуал кодексининг 68, 74, 118, 176-180, 186, 192-моддаларини қўллаб, суд

карор килди:

Миришкор туман фермер, деҳқон хўжаликлари ва томорқа ер эгалари Кенгаши даъвогар "ҚУРБОНШО" фермер хўжалиги манфаатини кўзлаб киритган даъво талабини қаноатлантириш рад этилсин.

Олдиндан тўланган 34 000 сўм почта харажати даъвогар "ҚУРБОНШО" фермер хўжалиги зиммасида қолдирилсин.

Хал қилув қарори қонуний кучга киргач ижро варақалари берилсин.

Хал қилув қароридан норози томон у қабул қилинган кундан эътиборан бир ой муддат ичида шу суд орқали Қашқадарё вилоят судининг иқтисодий ишлари бўйича судлов ҳайаътига апелляция тартибида ёки ҳал қилув қарори қонуний кучга кирган кундан эътиборан олти ой ичида кассация тартибида шикоят бериш (протест келтириш) мумкин.

Судья

Г.Игамов

